



Immiaaqqat imeruusaatillu qillertuusaniittut Kalaallit Nunaanni tamarmi nioqqutaalersinnaaqqullugillu immiaaqqat imeruusaatillu puui pillugit nalunaarut allanngorteqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaasilluni qillertuusat aamma kalaallit nunaanni utertitsisarnermut ilaalersillugit.

(Inatsisartunut ilaasortaq Nivi Olsen, Demokraatit)
(Siullermeerneqarnera)

Immiaaqqat aalakoornartortaqqanngitsut eqqunneqarsinnaaleqqullugit nioqqutaalersinnaaqqullugillu immiaaqqat imeruusaatillu puui pillugit nalunaarummut (Immiaaqqat imeruusaatillu kulsyrimik akullit puui pillugit Namminersornerullutik Oqartussat nalunaarutaannut nr. 16, 28. maj 2002-imeersumut) ilaajunnaarseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Justus Hansen, Demokraatit)
(Siullermeerneqarnera)

Uani oqaluuserissavagut siunnersuutit marluk immiaaqqat imeruusaatillu puui pillugit nalunaarummut tunngasut, tassungalugu atatillugu oqaatigeriissavara; Demokraatini siunnersuutit ukua tamakkiisumik taperseratsigit. Piffissanngorpoq unammilleqatigiittoqarnerunissaata ammaannissaa taamatullu atuisartut amerlanerusunik aamma qinigassaqaalernissaannut.

Tulliuttumi siunnersuutit saqqummiunneqartut marluk immikkut oqaaseqarfigissavakka.

Immikkoortoq 181

Inatsisartunut ilaasortaq Nivi Olsen sulilluarsimavoq aammattaaq arlaleriarluni innersuussutigaa nalunaarut qulequtaqartoq "Unammilleqatigiinneq puujaasaaqqanillu utertitsisarneq Kalaallit Nunaanni", suliarineqarsimasorlu Copenhagen Economicsimit. Tassani nalunaarummi ersarilluinnartumik inerniliunneqarpoq maannakkut periutsip kinguneranik ataatsimut isigalugu inuiaqatigiittut unammilleqatigiinnerup iluaqutissartaanik annaasaqartartugut, tamatumalu kingunerisaraa atuisartut akisunerusumik akiliisariaqartartut nioqqutissanillu qinigassakinnerusartut.

Tamanna ajorpoq eqqarsariaallannarlunilu, sooq qangali iluuseqartoqarsimannginnersoq taamaattumik Demokraatiniit isumarput ersarissoq naapertorlugu tamanna sukkanerpaamik allanngortittariaqarparput. Uanga isumaga naapertorlugu Naalakkersuisut takusinnaalluaraluarpaat maannakkut periuseq atornerqartoq pitsaanerpaajunngitsoq. Taamaakkaluartoq Naalakkersuisut isumaqarput sivtorsaasoqassasoq. Naalakkersuisut siunnersuutigaat nutaamik misissueqqittoqassasoq ukiup ataatsip missaa ingerlasimalerpat piareernejartussamik taamaalereerpallu imaassinnaavoq



allannguisoqarsinnaasoq. Sooruna misissuinersuaq atugareqaarput? Sooruna ersarereeqisoq oqariartuut nunatsinni innuttaasut akisunermik atugaqartikkigut? Aalinagiisinnaassuseq naaguna?

Demokraatini paasisinnaangilarput sooq misissueqqittoqassanersoq qaqilereqqittoqarlunilu. Aallartiinnariarta. Nivi Olsenip siunnersuutaa suliffeqartinnut atuisartunullu iluaqusiissaaq. Taanna akuereriartigu Naalakkersuisut siunnersuutaat akuerinagu asulimi kinguarsaataaginnartussaavoq.

Tamanna tunngavigalugu siunnersuup isikkorisimasaatut isikkoqartillugu akuerineqassasoq inassutigaarput innersuullugulu Inuutissarsionermut Ataatsimiititaliamut suliareqqitassanngorlugu.

Immikkoortoq 58

Inatsisartunut ilaasortap Justus Hansen siunnersuuteqarpoq takutitsilluartumik qanoq ajorsinnaartigisoq killilersuivallaartunik malittarisassaqaraanni. Ullumikkummi immiaaqqat imeruersaatillu puui pillugit nalunaarut naapertorlugu immiaaqqat aalakoornartortaqaqngitsut nioqqutigineqarsinnaanngillat. Imernikinnerulernissatta suliniutiginerani eqqarsariaallannaqaaq inerteqqutigigatsigu immiaaqqanik putumanartortaqaqngitsunik mamarineqarluartunik nioqquteqarnissaq. Allannngortittariaqarparput.

Immiaaqqat imeruersaatillu puui pillugit nalunaarut inuutissarsiortunut ajornartorsiutaavoq aammalu siunnersuuteqartoq tunngavilersuuteqarpoq pitsaalluinnartunik uanga isumaqatigilluinnakkannik. Atagu assersuutinngamik saqqummiussilaarlana.

Danmarkimi immiaaqqanik aalakoornartortaqaqngitsunik nioqquteqarneq ukiut kingullit ingerlanerini 19 procentimik qaffariarsimavoq. Tassa pisisussaqrarluarpoq aammattaaq qularinngilara maani nunatsinni pisiarinearluartarumaartoq. Uani uteqqikkusuppara inuttut kiffaanngissuseqarnissaq. Sooruna nunatsinni innuttaasut nioqqutissiamut pitsaalluinnartumut mattuteqqagigut? Isumaqaqngilaq, taamaattumik Inatsisartunut ilaasortap Justus Hansenip siunnersuutaa tunngavissaqrarluarpoq. Demokraatiniit siunnersuut tamakkiisumik taperserparput siunnersuullu innersuullugu Inuutissarsionermut Ataatsimiititaliamut aappassaaneerneaqnginnerani.